

Opuscula

Opuscula

1
C
A
D
S
I
A
-

DECISIO MAGNI VALORIS

Virtutis, Sapientiæ & Meritorum,

Perillustri, Clarissimi & Admodum Reverendi DOMINI,

D. M. STEPHANI KROPSKI,

*L. V. Licentiatum & Professoris, Ecclesiarum Collegiatarum S. ANNÆ
Crac: Præpositi, SS. OO. Primicerij, Parochialis in Czulice Curati,
à Themide Iagellonica
post exploratum in sua bilance pondus*

F O R M A T A,

Ex Actis Ejusdem

E X T R A C T A

Dum per

Perillustrem & Reverendissimum Dominum

D. M. IOANNEM LVKINI

*L. V. Doctorem & Professorem, Ecclesiarum Cathedralis Cracoviensis
Canonicum, Collegiatarum, Visliciensis Primicerium, SS. OO. Crac:
Cancellarium, Parochialis Stawkoviensis Præpositum, Contubernij
Regio-Iagelloniani Proviforem, ac interea Iuridicæ Facultatis*

D E C A N V M,

Vtriusq; Juris

D O C T O R,

Ritu Solenni renuntiaretur

Officiolo Studio

M. FRANCISCI KIELAROWICZ,

*Philosophiæ Doctoris & Professoris, Collegæ Minoris
Eruditis mentibus ad notitiam*

E X T R A D I T A.

Anno Domini 1733 9 Mensis Nov;




*Sapientiae magnitudinisq; animi est, omnem
amplitudinem & dignitatem in virtute, in re-
bus gestis, atq; in gravitate positam existimare.*

Cicero.

*Ipsa quidem virtus pretium sibi, solaq; late,
Fortunae secura nitet, nec fascibus ullis
Erigitur, plausuve petit clarescere vulgi.
Nil opus externae patiens, nil indiga laudis,
Divitijs animosa suis.*

Claudianus.



DECISIO MAGNI VALORIS.



HA est excellentium rerum conditio, ut in sui pretio ab humana mente dependeant. *Perillustis Clarissime & Admodum Reverende Domine.* Multæ equidem ideo magis quàm merentur, multæ item minùs, quàm fas & æquum requirit, æstimantur; quòd his mortalium genius pondus demat, illis superaddat. Valeretne quæso tantum, quantum nunc valet, defossum à natura in terræ visceribus aurum? si ei tam ingens non accederet appretiatio, minimè: immo nec ad præsens æqualem ubique honorem sortitur; cùm apud Indos posthabeatur ferro. Thura Sabæis contempta, Septemtrioni acceptabilia: Cedrus Libani accolis, ac si in Lechia ilex, Lechiæ honorabile munus. Qui in vita ob inopiam despectui habitus Homerus, post fata Chios cum Colophonij de

A z

se con-

le Patriota habuit concertantes. Non probabat Roma initiô Lyrica Horatij ut ipse testatur, sicut nec aliorum recentiorum Pœtarum monumenta, veteres illi duntaxat Vates arridebant: ast postquam aliter judicandum censuit, iisdem adusq; gloriatur. Explosum primò cachinnis ausum Columbi, quod novum Orbem quærere attentaret; nunc quid de eo sentit utrumque hemisphærium? Pulchrum fuit apud Persas etiam deformi Regi esse similem: apud Discipulos Aristotelis, Magistrum gibbô imitari. Quibus medijs Quirinus, Deus evasit? Augustus flamines & quaesitissimas hostias consecutus? Hercules inter astra fulsit? Atlas Cælum portavit? & sexcenta antiquitatis enituere portenta? Si non per apprehensionem humani intellectûs. Quantum decessit Phæbo, quod maculas in eo observârunt Astrologi? Quantum decessit Cælis, quod ingenerabilitatem & incorruptibilitatē eorum, nova quorundam refutent experimenta. Terrebat nautas Herculeis columnis inscriptum non plus ultra: quoties ad eas pervenit quispiam, ut vidit, mox carbasa retro flexit: nam has metas præfixit authoritas stationis defessi Alcidae. Viluissent Bonarotæ opera, nisi ignarum vulgus callido dolo ad verius sentimentum compulisset. Rem sub ænigmate loquor,

quor, clarior ejus hic est typus. Exsculpebat
memoratum Gentis Florentinae decus multiformes
statuas: hæ nec Praxitelis, nec Polycleti cedebant
operibus, attamen ab Italo populo, quod suis
temporibus confectæ fuerunt, flocci pendebantur.
Quid facit prudens Artifex? dedolat amoris effigiem
in Pario marmore, dedolatam intempesta nocte in
ruris suburbani agro abscondit. Latet damnatum ad
tenebras simulacrum diu, donec agricola spargendis
frugibus vomere agrum renovans reconditum artefactum
invenerit. Illico defertur ad Urbem Dominam
reperitum signum: revidet illud sedulo speculaturque
populus, laudat exactam fabrefaciendi amissim: priscum
hoc opus plerique judicant, suo iudicio mox
implicandi: alij tribuunt Praxiteli, alij Polycleto,
alij alijs veteris ævi artificibus. Nec satis; insultant
præterea nonnulli Bonarotæ: ecce quam pulchra
figura inveniunt, quanta gratia vultui, quam
similes artus ficti artibus veris, quam viva
lineamenta faciei, vox tantum & non vita
desse videtur. O felicem ætatem Avorum
Atavorumve, quæ tam eximios parturiebat
Statuarios! Exhiberesne tu Bonarota
tam eximium artis specimen, præstaresne
parem industriam? Et jam gaudet sola
appretiari vetusta opera vulgus, lætatur se
triumphum agere de novis Bonarotæ conami-

nibus; cū tamen ille inscriptum statuæ basi proprium nomen ostendit vulgo. Notat pudor convicta ora: vellent denuo adstantes culpāre quod laudabant, non datur jam emissas voces revocare. Verbō multum est multum unicuiq; quōcunq; censeatur nomine, æstimari. Hinc & mihi ultro porrigit se amplum gratulandi Tibi argumentum *Perillustis Clarissime & Admodum Reverende DOMINE*, quod Valorem Virtutis, Sapientiæ & Meritorum Tuorū in bilance sua explorando Iagellonica Themis, magnum compererit, judicaverit, declaraverit, & Actis suis inscribi fecerit. Nec inania loquor, testes enim sunt veritatis hujus, omnes quibus Acta prædictæ Astrææ legere concessum.

Dedit primò materiam Decisioni valoris hujus ipsa Tua prætexta: cum crescente enim ætate Tua, crescebat virtus; cum maturescēte, maturescebat. Patuit ex aurora, quā clarus futurus erat provec̃toris ævi merities. Ex discēte facilè conijciebat quisq; quòd celebrem quandoq; acturus eras Professore. Tractāsti Studia indefessus eò sæculò, quod adhuc non tam argutum extitit, ut modernum, sed felicius forsitan eò ipsò & doctius. Certè (venia mihi detur in libero veri studio; sentit nāq; idem mecum celebris Neotericus) non laudandum, hujus temporis genium, istud suum

vitium pridem antè damnatum non agnoscere,
quòd stylum nimis comat, exornet, & gravitatē
relinquat. Equidem compertum habeo, non
semper id pretiosum, quod splendet: nec mihi
evidens tantum ornatum necessarium esse. Hor-
rida & torva species leoni: variegati maculīs
aspectuiq; gratiores pantheræ & tygridi pili: at-
tamen leo rex ferarum, non tygris aut panthe-
ra. Æmulatur vitrum gemmas & adamantes,
quandoq; & superat, nihilominus eisdem non
præferendum. Placent in Comædijs vestes A-
ctoris Comici: num tamen quilibet, cui compla-
cent, hīsce superbire vellet? Simile iudicium fer-
ri debere censeo de coacervatis argutijs laben-
tis ævi. Tractâsti inquam studia, sed non stu-
dentium plerorumq; vitia. Sæpe enim accidit,
ut juvenes non solum scientias, verum & næ-
vos & quidem promptius à se ipsis discât: Gram-
maticos casus declinando, à probitate decli-
nent: fingendo Pœticas fabulas, veritatem &
alibi prætereant: Rhetoricam Licentiam ad hoc
etiam extendant quòd idem esse libitum & licitum
prætendât. Trāsnavigâsti has scyllas & cha-
rybdes juventutis, atq; feliciter ad littus Laureati
in Vniversitate honoris appulisti. Appensa frō-
ti laurea, umbram in ingenium socordiæ non
jecit, immo illustri animo temperamentū quod-

dam imposuit; ut commodiùs ab hac umbra,
in diffusa difficultatum spatia prospiceret.

Atq; ut melius allaborares Academiae bono, in
Colonia Posnaniensi infatigabilè egisti Chironè:
gnarus benè, quòd per molle non incedit iter
virtus, læta asperis: fortitudo non calcat rosarum
semitam, vepres illam & probant & stimulant.
In illa itaque Majoricæ Polonæ Stoa, ad suprema
folia natam indolem ita in lubrico adolescentiæ
manutenuisti, ut illius in omni quæ hæreditaria
huic sanguini virtute ad summa quæq; disponeres
gressum. Quisq; juvenum Te Duce amplecti
literas, ire alacri animò contra omnium difficul-
tatum Scholasticarum ardua, & expugnata pro-
fligataq; inscitia promereri gloriam conabatur.
Taceo eruditionis profectum, publicâ famâ in
conspectu Reipublicæ Sarmaticæ perorante.
Quòd Ecclesia habeat Magnum Prælatum, *Per-
illustrem & Reverendissimum Dominum*
ALEXANDRVM de Bnin OPALINSKI
Custodem Cathedralē Posnaniensem, Ordo
verò Equestris Germanum Ejus, dotibus præ-
cellis insignem Herodē *Illustrem ac Magnifi-
cum D.* CAROLVM Capitaneidam Sre-
mensē, tua sollicita effecit institutio. Tenet
nunc portum Honoris Gentilitia illorum RA-
TIS: nam Te suum Navarchum habuit. Hinc

ea.

eadem in Te, quæ in Arsenium ab Honorio & Arcadio, à Grandibus alumni derivatur adorea. Quid illæ floridò vernantes eloquiò **DIVORVM THOMÆ AQVINATIS & PHILIPPI NERII** Panegyres? quas disertissimâ svadâ cultior Tullius, immo Oratorum coronis protulisti. Univerſus omnium Tuam facundiam auſcultantium aſſenſus fuit, Hyblam Platonis, roſasve Horſenſij, in tuum eloquium commigrâſſe. Voluit Te perpetuo cultu proſequi ob tantos labores in illa Colonia Academica exantlatos Major Polonia, niſi deſideratus ad Matrem Studiorum reditus aliud in animo Tuo decreviſſet.

Perfuſam lætitiâ ex Tuo feliciffimo reſſu Univerſitatem ulterioribûs actûs ſolari minimè deſtituſti. Et ſicut in Poſnaniendi Lycæo Iſocra-tem, ita in Lectorijs Athenæi Cracij Ariſtotelem redivivum præteferre propoſuiſti. Quoties difficultates Philoſophicas ſolvebas, toties in directo virtutis modo concludens, in explicando facillimus, in docendo promptiffimus, in enodando ſubtiliffimus audiebaris.

Prodromantibus meritis **MINORI** Collegarum **DOMVI** aggregatus, inquilinâ Tibi feciſti Pietatem & ſcientiam. Occupatio Tua præcipua erat oculos objectis ſcientiarum ſatiare, mente eruditos conceptus parturire, corde

elevari ad Superos, manum ad pennam continuò aptare, vitam denique semper agere in motu laboris ad otia invitam. Cumq; nemini in statione Academica MINOR COLLEGA pal-
mam cederes, cessit Tibi DECANALIS PVR-
PVRA, in qua rosas & lilia loquens sic rubuisti,
ut nunquam erubueris. Dum tela argum-
entorum vibrabas, corda Auditorum in spoli-
um reportabas. Thomisticus Titan in tuo pectore fi-
xum videbatur habere situm. Nullò tamen ar-
gumentandi modò sæpiùs utebaris, quam Cela-
rent, eruditionis videlicet splendorem nube mo-
destiæ tegendo. Loquantur si per naturam pos-
sunt Lectoriorum parietes, in quibus vocalis stu-
dij Academici Fama à Tui oris deprompta ora-
culo volitabat.

Cùm tantos in fronte Tua conspexisset sudo-
res Universitas, simulq; deprehendisset in Tuæ
cultissimæ mentis secretiori archivo divitem juris-
prudentiæ apparatus, coronatura labores ejus-
modi, *CLARISSIMORVM IVRISCON-*
SULTORVM Coronæ Te pretiis internis lu-
ceq; sapientiæ nitentem inseruit gemmam. Ga-
visa multùm Astræa Divinior, quòd magnum sci-
entiæ suæ Cultorem acquisierit. Ius Divinum
& Humanum cum panderes, ipsæ applaudebant
PANDECTÆ. In DIGESTIS difficultates di-
gerens.

gerens aureus omnigenarum legum Tripas cen-
sebaris. Quod in eruditis Athenæi docuisti exe-
dris. hoc in publicis commissionum negotijs ob-
servavisti inviolatè. Quoniam verò inter simi-
lia facilè coalescere sympathiam fermè videmus
ad oculum, ideo & Te Collegij Iuridici Nunna
ad strictius amicitiae vinculum attraxerunt. Ex
multis duo memorasse sufficiat, *Perillustrem*
olim Clarissimum & Admodum Reveren-
dum Dominum, M. ADALBERTVM IO-
DŁOWSKI, V. I. Doctorem & Professore, Ec-
clesiæ Collegiatæ SS. OO. Crac: Custodem,
Parochialis in Igołomia Curatum &c. ac *Per-*
illustrem olim Clarissimum & Admodum Re-
verendum Dominum, M. IOANNEM E-
KART, V. I. Doctorem & Professore, Ec-
clesiæ Collegiatæ SS. OO. Crac: Cancellarium,
Parochialis in Luborzyca Curatum, Univerfita-
tis Seniore Patrem: Qui ut suum erga Te a-
morem testarentur, Te testamentorum Executo-
rem elegerunt.

Varijs quâ publicè quâ privatim in Collegio
Iuridico functus officijs, COLONIÆ POSNA-
NIENSIS, quam Professor excolueras, DIRE-
CTORALE REGIMEN, votis Ordinum Aca-
demicorum obsequens suscepisti. Illi sparthæ ut
præesses accinctus, quantum profuisti vigili pru-

dentiq; moderamine, felici dexteritate agendi,
difficile enarrare. Quòd desolatam per vento-
rum furorem præfatam Palæstram liberali dexte-
rà sublevavit *ILLVSTRISSIMVS* olim
*EXCELLENTISSIMVS & REVE-
RENDISSIMVS* D. IOANNES COMES
IN CZEKARZOWICE TARLO, *EPI-
SCOPVS POSNANIENSIS*, cui obsecro?
si non Tuæ activitati, quâ Tanti Præfulis devin-
xeras Benevolentiam, adscribendum. Quod si
notabilis censetur laus, os populi meruisse, de af-
fectu in Te *PROCERVVM REGNI* stante Di-
rectoratu effuso quid dicendum? Copiosam me-
sem gratiarum ex Campo *ILLVSTRISSIMI
& EXCELLENTISSIMI* D. *VLADI-
SLAI* de Radomicko *RADOMICKI*, *PA-
LATINI POSNANIENSIS* collegisti.

Pares Charites in *ILLVSTRISSIMIS* olim
ac *EXCELLENTISSIMIS DOMINIS
ANDREA & MATTHIA RADOMIC-
CIIS PALATINIS POSNANIENSIB9 VLA-
DISLAI* Fratris in Honore Palatinali Anteces-
soribus reperisti. Quæ acroamata, in Solenni
Ingressu *GENERALIS PRÆFECTV-
RÆ*, à Majori Polonia formabantur *ILLV-
STRISSIMO* olim ac *EXCELLENTIS-
SIMO* D. *IOANNI RADOMICKI*,
PALA-

*PALATINO INOVLADISLAVI-
ENSI*, eadem Tibi hunc Dynastam in Cathedra
Posnaniensi salutanti atque Conclusiones Theo-
logicas, à Patribus Ordinis Prædicatorum Illius
Nomini dicatas oppugnant, maximas acclama-
tiones conciliârunt. *ILLVSTRISSIMVS*
olim & *EXCELLENTISSIMVS DOMI-
NVS ADALBERTVS RYDZYNSKI*
CASTELLANVS LANDENSIS
Avitis Te *LILIIS* coronavit. *ILLV-
STRISSIMVS* ac *MAGNIFICVS D.*
MELCHIOR de Gorowo *GURO-
WSKI, VEXILLIFER CALISSIEN-
SIS*, Legationibus ad Regni Comitia, Gro-
dnensia, Varfaviensia; Commissorialibûs fun-
ctionibûs in *DEPOSITIONE*
CORONARVM Cracoviæ & in plurimis
alijs arduis Reipublicæ negotijs, per omnes Pro-
vincias Lechicas Celeberrimus, postquam ex Te
ubiq; Athenas Gracias circumferente, excellen-
tiam earum intellexit, Prolem suam Dilectissi-
mam, *Illustres ac Magnificos Dominos*, Ra-
PHAELEM Capitaneum Colensem, *VLA-
DISLAVM* Capitaneum Brdoviensem & A-
LEXANDRVM ad *PRIMÆVVM* *STVDI-
VM*, totius Eruditionis Sarmaticæ Parentē able-

D

gatur

gaturū se declaravit, & ipso eventu comprobavit

Iste ex compositione morum de TE sen-
sus: ob peritiam verò Iuris os suum in TVA
encomia aperuit *ILLVSTRISSIMVS*
olim & *REVERENDISSIMVS* DO-
MINVS *FRANCISCVS* in Kaznow
KAZNOWSKI, *EPISCOPVS*
DOMITIOPOLITANVS, *SVF-*
FRAGANEVS, *VICARIVS* in Spiri-
tualibus & *OFFICIALIS* *GENERA-*
LIS *POSNANIENSIS*, totius Diæce-
sis binis vicibus *ADMINISTRATOR*,
Pretiosum Sapientiæ & Probitatis Clenodium,
Ecclesiæ Tyaratum Columnen, aperuit inquam,
loco inter Assessores Consistorialis Iudicij assi-
gnato. Prætereo teneritudinem favoris, *Per-*
illustris olim & *Reverendissimi* Domini
STANISLAI KIERSKI, Ecclesiæ
Cathedralis Posnaniensis *DECANI*, Proto-
notarij Apostolici, totiusq; Peraugusti *CAPIT-*
VLII *POSNANIENSIS*, erga TVAM
Personam emedullatam; & alia plurima in il-
lo *DIRECTORATV* Nominis TVI famæ
militantia: hæc namque exprimere, idem co-
namen, ac Parallelas in Angulum jungere
velle.

Lassa

Lassatum laboribus in Colonia Posnaniensi,
& reducem ad Palladem Iagelloniam, putasset
quispiam Te jam jam quieturum, sicut fatigatis
licebat viribus: nisi reassumpti præter Scholasti-
cos in Ecclesiasticis suggestibus publici actus a-
liter ostendissent. Perorasti Ecclesiastes, sed si-
mul & fulminasti in vitia, nunquam sinè tempe-
state lacrymarum, quas gravitate sermonis &
affectuum oculis Auditorum exprimebas. Ce-
russam dictionis illam vel maximè admisisti, quæ
animam per Gratiam candidissimam redderet.
Acumina illa curasti potissimùm, quæ compun-
ctionem cordis, non jactantiam aut fastum sape-
rent. Sacramentalem Exomologesim, sicut an-
te abscessum Posnaniam, ita post regressum *RE-*
LIGIOSIS SANCTIMONIALIBVS ad
SANCTVM ANDREAM, insigni Pru-
dentiâ Spiritûs & indefessò fatigiò administrando,
OPATOVIVM æmularis: ex quo quàm gra-
tus fuisti & sis Virgineis Conscientijs, satis pa-
tuit, dum reditum Tuum ex Colonia Posnani-
ensi tædiosissimè expectârunt, & omnem pro il-
lo obtinendo moverunt lapidem: eòque deven-
tum, ut *RELIGIOSISSIMA* in *CHRI-*
STO. FRANCISCA WIELOPOL-
SKA, Ordinis *SANCTÆ CLARÆ*

in Conventu Cracoviensi per *ILLVSTRIS*
SIMVM olim & *EXCELLENTIS*
SIMVM DOMINVM, FRANCI-
SCVM, Comitem in Zywiec & Pieskowa
Skała de *WIELOPOLSCIIS* MYSZKO-
WSKI, PALATINVM CRACOVIE-
SEM MARCHIONEM PINCZOVIE-
SEM Revocationem Tui ab Vniversitate expo-
sceret. Quidni itaque acquiescere debeas DE-
CISIONI THEMIDIS, quam de Valore Me-
ritorum Tuorum pronuntiavit.

Approbat illam & à cunctis approbari
gaudet *Magnificus Perillustris & Reve-*
rendissimus Dominus, D. M. M A R-
T I N V S W A L E S Z Y N S K I,
Sacrae Theologiae Doctor & Professor, Col-
legij Majoris Senior Pater, Ecclesiarum;
Cathedralis Cracoviensis C A N O N I-
C V S, Montis S. Georgij in Scepusio &
Premykoviensis Præpositus, Contubernij
Hierosolymitani Provisor, Canonizationis
B. IOANNIS CANTII Procura-
tor, Librorum per Diacesim Cracoviensem
Ordinarius Censor, Studij Generalis Vni-
versitatis Crac: P R O C A N C E L L A-
R I V S ac VIGILANTISSIMVS RE-
CTOR

CTOR, Cujus stupenda Acta, duodecies re-
assumptum RECTORATVM, & ILLVM,
quem toto triennio non interrupto continua-
vit sæcula posthuma Orbis Literarij notabunt,
prædicabunt. Subscribit eidem Decisioni A-
strææ, *Perillustis Clarissimus & Admodū*
Reverendus Dominus, D. M. GASPAR TO
PINSKI, V. I. Doctor & Professor, Ecclesiar:
Collegiatæ Sanctorum Omnium Cracoviæ CV
STOS, Parochialis Sancti *NICOLAI*
Præpositus, Grandævus in Professione Acade-
mica Pater & Iuridicæ Facultatis Decus, qui
Te intimâ complectitur benevolentia. Addit
proprium assensum *Perillustis Clarissimus*
& Admodum Reverendus Dominus, D.
M. STANISLAVS KVTLINOWSKI,
Vtriusq; Iuris Licentiatus & Professor, Eccle-
siarum, Collegiatæ *S. MICHAELIS* in Ar-
ce Cracoviensi *DECANVS*, Parochialis Ko-
niuszensis *PRÆPOSITVS*, quem uti in ca-
pessendo ad præsens DOCTORALIA INSI-
GNIA, sic quôvis momento in recipiendo
affectum individuum socium experiris.


Ergo plaudimus cuncti jure merito, ob im-
positam Capiti Tuo emeritissimo Doctoralem
in Iure Lauream, atque Decisionem Valoris
E. meri

Meritorum Tuorum in Areopago Themidis pu-
blicitam, ubi tanta celebritas Rectefactorum
Tuorum ubique resonat. Plausibus concordēs
jungimus votorum appendicem, ut *LAV-*
RO huic, quā *TVA TEMPO-*
RA, ÆSTIMATOR IN-
GENIORVM, Ipse nunquam
condignè æstimandus, *VIRTUTIS*
CORONATOR, Ipse *CORO-*
NARVM VAPELLANA-
RVM VNIO PRETIO-
SISSIMVS cingit, serò, taxus succedat &
HONOREM præsentem non inter-
polatâ serie, alij Honores maximi
comitentur.



ts
e,
M
o-
m
o
es
er
ne
a-
ut
o
e-
y-
ri-
e-

o.
e.



22.000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

